

## Niresaka tamiko tamin'ny alalan'ny lahateny tamin'ny fihaonambe ny Ray any An-danitra

Nosoratan'i Anne Laleska Alves de Souza

**N**isalasala aho ny amin'izay zavatra tokony hianarako any amin'ny oniversite. Tsy nankasitraka ny taranja tiako hianarana ny ankamaroan'ny olona, ka noho izany dia nivavaka tamin'ny Tompo aho mba ahitako raha nekeny ny fanapahan-kevitra.

Tonga ny ampitson'io ny valim-bavaka nandrasako rehefa namaky lahateny iray tamin'ny fihaonamben'ny Fiangonana tao anaty *Liahona* aho. Tzapako toy ny hoe nilaza tamiko ny Ray any An-danitra fa tsy afaka misafidy ho ahy Izy—fanapahan-kevitra tokony horaisiko samirery izany. Fantatro fa na inona na inona no hofidiako dia tsy maintsy ho niasa mafy aho mba ahitako fahombiazana.



Fantatro fa novaliana ny vavaka nataoko. Nanampy ahy handray fanapahan-kevitra ny fanamafisan'ny Fanahy Masina. Nianatra nanome ny ezaka tsara indrindra avy amiko aho ary fantatro fa hanampy ahy ny Ray any An-danitra.

*Mipetraka ao Sergipe Brésil ny mpanoratra.*

## HO AN'NY ANKIZY

### Araho ny Mpaminany

**M**iteny ho an'ny Ray any An-danitra sy i Jesoa Kristy ireo mpaminany sy apôstôly. Mampianatra antsika ny fomba hanarahana an'i Jesoa izy ireo. Araho ny lalana mba hahatongavana any amin'ireo zavatra asain'ny mpaminany sy apôstôly ataontsika.

